



**CENTAR ZA KRIMINALISTIČKA,  
KRIMINOLOŠKA I PRAVNA ISTRAŽIVANJA  
TRAVNIK I ZAVOD ZA JAVNO ZDRAVSTVO  
SREDNJOBOSANSKOG KANTONA U TRAVNIKU**  
Upućuju vam I **POZIV**, da aktivno učestvujete  
u radu

**II (druge) Naučno - stručnoj konferenciji sa  
međunarodnim učešćem na temu, „Medicinsko  
i zdravstveno pravo u Bosni i Hercegovini i  
Europskoj uniji, stanje, izazovi i perspektive“.**

**Konferencija će se održati 13., 14., i 15.  
oktobra 2023. godine u hotelu CENTRAL  
VLAŠIĆ, Bosna i Hercegovina**

Cilj **Naučno - stručne konferencije** je okupiti naučnike i praktičare medicinskih, zdravstvenih, pravnih, humanističkih te drugih prirodnih i društvenih disciplina. Ali i sve one koji daju svoj doprinos profesionalnom unapređenju struke i razvijanju najviših moralnih vrijednosti, kako iz Bosne i Hercegovine, regiona i Europe. Na taj način Centar i Zavod žele dati svoj doprinos normalnom funkcionisanju pravnog sistema i vladavine prava, te stvaranja moderne pravne države. Radovi dokazanih stručnjaka u datim oblastima biće predstavljeni kroz moderne i interaktivne prezentacione forme u okviru planiranog skupa, kao i u uvodnom djelu svake navedene tematske oblasti, sa posebnim akcentom na aktuelna dostignuća i osvrtom na date probleme kada je u pitanju zadata tema. Medicinsko i zdravstveno pravo su relativno nove pravne discipline, ali ni u Bosni i Hercegovini nisu nepoznanice. Pojedinačni problemi iz područja medicinskog i zdravstvenog prava izučavani su u okviru drugih nauka još od početka prošlog stoljeća, a u posljednjih tridesetak godina medicinsko pravo se počelo proučavati i predavati kao samostalna

pravna disciplina. Bavljenje medicinskim ili zdravstvenim pravom zahtjeva usvajanje širokog spektra znanja. Razvojem biomedicinskih nauka (novih tehnologija, medicinskih istraživanja, robotike, itd.) kao i samog društva, odnosa prema ljudskim pravima i bioetici povećava se broj pitanja kojima se ove naučne discipline bave. Sve to dovodi do stalne i ubrzane potrebe propitivanja načela i zakonitosti koji vladaju i imaju prevagu unutar ovog područja, te vode ka konstantnom promišljanju instituta koji se proučavaju u okviru medicinskog i zdravstvenog prava. Uprkos razvojnom putu koje je grana medicinskog prava do sada prošla u Bosni i Hercegovini, ona još uvijek nije zaokružena cjelina, no jasno je da je danas potrebija nego ikada. Konferencija, pored ostalog treba dati odgovore i definisati sličnosti i razlike medicinskog i zdravstvenog prava u odnosu na sudsku medicinu, ali i sličnosti i razlike između medicinskog i zdravstvenog prava i to sa stanovišta praktične, kliničke primjene i mogućih etičkih nedoumica. Do sada analizirana i pregledana literatura sugerše da poznavanje ovih činjenica može biti ključno za unapređenje i potpunu implementaciju medicinskog i zdravstvenog prava u pravni i zdravstveni sistem Bosne i Hercegovine, sa ciljem osiguravanja kvaliteta zdravstvene usluge i ostvarivanje prava svih učesnika u njihovom pružanju. S druge strane, potpuno poznavanje i primjena ovih grana prava u oblasti zdravstvene djelatnosti dodatno bi doprinjela humanizaciji pravne i medicinske nauke.

Uz Vašu pomoć i doprinos, sigurni smo da će kvalitet i diskusija biti na visokom nivou.

U ime Organizacionog odbora, unaprijed se radujemo susretu.

**Doc. dr. sc. Adnan Pirić, predsjednik  
organizacionog odbora**

**NAUČNI/PROGRAMSKI ODBOR KONFERENCIJE**

- Prof.dr.sc. Sead Karakaš, direktor Zavoda za javno zdravstvo Srednjobosanskog kantona u Travniku, predsjednik,
- Prof.dr.sc. Kenan Dautović, načelnik općine Travnik,
- Akademik, prof.dr.sc. Miodrag N. Simović, emeritus profesor Pravnog fakulteta Univerziteta u Bihaću,
- Akademik, prof.dr.sc. Nedžad Korajlić, Fakultet za kriminologiju kriminalistiku i sigurnosne studije Univerziteta u Sarajevu,
- Prof.dr.sc. Amra Macić Džanković, rektorica i profesorica Fakulteta zdravstvenih studija Sveučilišta/Univerziteta „VITEZ“,
- Prof.dr.sc. Mile Matijević, profesor Fakulteta pravnih nauka Univerziteta za poslovne studije u Banja Luci,
- Prof.dr.sc. Jozo Čizmić, profesor Pravnog fakulteta Univerziteta u Splitu,
- Dr.sc. Harija Mujović, doktor medicinskog prava, Institut društvenih nauka Beograd,
- Prof.dr.sc. Emir Sudžuka, notar sa službenim sjedištem u Zeničko-dobojskom kantonu, grad Zenica,
- Doc.dr.sc. Indira Abdulović, šef službe za zaštitu djece i omladine JU Bolnica Travnik,

**ORGANIZACIONI ODBOR KONFERENCIJE**

- Doc.dr.sc. Adnan Pirić, pravnik Zavoda za javno zdravstvo Srednjobosanskog kantona i predsjednik Centra za kriminalistička, kriminološka i Pravna istraživanja u Travniku, predsjednik,
- Doc.dr.sc. Maja Pločo, Pravni fakultet Sveučilišta „VITEZ“.
- Mr.sc. prim. Amra Kalčo, dr.med, načelnica službe za socijalnu medicinu sa organizacijom zdravstva i zdravstvenom informatikom Zavoda za javno zdravstvo Srednjobosanskog kantona,
- Selma Brajić, *mag.iur*, advokat iz Travnika.

## TEME

**II (druga) Naučno - stručna konferencija sa međunarodnim učešćem** omogućit će učesnicima da tematska cjelina bude lični izbor učesnika vezano za oblasti: medicinskog, zdravstvenog prava ili druge naučne discipline, prirodne, tehničke, društvene ili humanističke discipline kojom se bavi, a koja je usko vezana sa temom konferencije.

## JEZIK

Službeni jezik/ci konferencije su bosanski, hrvatski, srpski i engleski.

## OPĆE UPUTE

### 1. Prijava Abstracta / Sažetka i učešća

Molimo da vaš sažetak pošaljete (Times New Roman, font 12, jednoredni prored, margine 2,5 cm na obje strane) od 300 do 500 riječi, ili ukoliko se prijavljujete samo kao učesnik Vašu prijavu do **31.07.2023. godine**. U sažetku treba jasno naznačiti svrhu, rezultate i zaključke rada. Također naznačiti pet ključnih riječi. Završeni radovi se dostavljaju do **31.08.2023.godine**. Autori će dobiti povratnu informaciju o prihvatanju radova najkasnije do **15.09. 2023. godine**.

Svi prijavljeni radovi bit će uzeti u razmatranje i recenziranje.

Radovi se mogu poslati na sljedeće e-mail adresu: [centarkpi@gmail.com](mailto:centarkpi@gmail.com) ili [piricdradnan@gmail.com](mailto:piricdradnan@gmail.com).

### 2. Prihvatanje radova i upute za autore

Sve sažetke će pregledati članovi Programskog odbora i obavijestit će autore (do predviđenog roka) o prihvatanju sažetka. Presentacija pozvanih predavača na konferenciji će trajati 10 do 20 minuta.

## 3. Naučno stručni časopis

Svi prihvaćeni radovi će biti objavljeni u Naučno stručnom časopisu Centra – **Kriminalističke, kriminološke i PRAVNE teme**.

## 4. Važni datumi

- Rok prijave sažetka ili samo učešća: **31.07. 2023.**
- Obavijet o prijemu i prihvatanju sažetka: **10.08.2023.**
- Dostava konačnog rada: **31.08.2023.**
- Obavijest o prihvatanju rada: **15.09.2023.**
- Konferencija **13., 14., i 15.10. 2023. sa početkom (petak) 13.10. 2023. godine u 12:00 sati.**

## 5. Registracija – kotizacija

Molimo Vas da sažetak/prijavu rada pošaljete e-mailom na sljedeću adresu: [centarkpi@gmail.com](mailto:centarkpi@gmail.com) ili [piricdradnan@gmail.com](mailto:piricdradnan@gmail.com).

Uplatu kotizacije nakon Vaše prijave i dostavljanja naše profakture, izvršiti najkasnije do **31.08.2023. godine**, na broj žiro računa NLB banka: **1322602022923870**.

<b>Kotizacija za učešće/izlaganje i objavu rada u Časopisu</b>	<b>250,00 KM / 130,00 EUR</b>
--	-------------------------------

### Kotizacija bez uključenog smeštaja podrazumjeva:

- Piće dobrodošlice 13. oktobra (petak),
- Večera dobrodošlice 13. oktobra (petak),
- kafe pauze tokom trajanja Konferencije,
- svečani ručak 14. oktobra (subota),
- Šetnja i obilazak pojedinih djelova Vlašića,
- akreditaciju i prisustvo predavanjima,
- materijal Konferencije,
- certifikat o učešću,
- objava rada u Časopisu.

## 6. Smještaj

Za rezervaciju smještaja potrebno je obratiti se direktno Hotelu „Central“

<https://hotelcentralvlasic.com/>


na e.mail: [info@hotelcentralvlasic.com](mailto:info@hotelcentralvlasic.com) ili direktno na broj telefona: **+387 (0)62 818 412**

**Ukoliko prilikom prijave naznačite da smještaj rezervišete za konferenciju ugovoren je popust za učesnike (obavezna naznaka "konferencija").**

**Hotel Central Vlašić**, jedan od najimpozantnijih objekata na planini Vlašić, hotel gdje klasični elementi dizajna odražavaju vremenski karakter novog doba i savremenih trendova pružajući neuporedivu udobnost, eleganciju i praktičnost. U najatraktivnijem dijelu Vlašića, blizu svakodnevnog zbivanja, tačnije rečeno, u srcu Babanovca nudeći vrhunsku uslugu, udobnost i odmor tokom cijele godine. Idealno je mjesto, kako za zimske (skijanje, snowboarding, sankanje), tako i za ljetne aktivnosti (planinsko pješaćenje, biciklizam, šetnje). Pored hotelskog smještaja gostima stoje na raspolaganju: kaffe-bar, restoran, ljetna bašta, moderno opremljeni bazen po najvišim standardima, jacuzzi, sauna i tursko kupatilo za vaš potpuni užitak. Svojim gostima obezbjeđuje vožnju quadom, biciklima, te električnim biciklima.

Web sajt: <https://hotelcentralvlasic.com/>





Lokacija: <https://www.google.com/maps/place/Hotel+Central+Vla%C5%A1i%C4%87/@44.311987,17.572624,15z/data=!4m8!3m7!1s0x0:0x22ddb5f2472e1815m2!4m1!1i2!8m2!3d44.311987!4d17.572624>

## 7. MJESTO ODRŽAVANJA

Planina **Vlašić** se nalazi u Srednjoj Bosni. Njegov je najveći vrh Paljenik (Opaljenik 1943 m).



Vlašića visoravan je visoka 1.300 m, a poznata je po glasovitoj tradiciji spravljanja vlašićkog sira, kao i turizmu na Babanovcu, gdje se vremenom etablirao novi bosanskohercegovački centar zimskog turizma, kojeg posjećuju i strani gosti, zahvaljujući otvaranju skijaških staza i novih hotela.



Na planini Vlašiću izvire rijeka Ugar.



Vlašička [visoravan](#) počinje kod vrha Ljute grede.



Ka jugu se prostire golemi travnjak sa sočnim livadama prema Vlaškoj gomili i Paljeniku. Brojna stada (dželepi) ovaca pasu po tim livadama od ranog proljeća do kasne jeseni. Središte proizvodnje vlašičkog sira je na ovom mjestu. Zimi privlači strastvene skijaše. Za njihove je potrebe krajem 1930-ih počela gradnja velike planinarske kuće u srcu Vlašića, kod vrela Kraljice ispod Crnog vrha (1731 m). Druga planinarska kuća je na Devečanima (1768 m), kamo vode dobri markirani putevi iz Travnika i iz Turbeta preko Paklareva. Vlašički masiv ka zapadu prelazi u [Karaulu goru](#) preko koje se povezuje [Komarplaninom](#). Iznad [Paklareva Galica](#) pr elazi u Vlašić. S istoka ograničuju ga rječice [Kozica](#) i [Bila](#). Vlašić je i pogodan kraj za uzgoj [pčela](#) u ovom dijelu [Europe](#), a razvija se i [seoski turizam](#).

### **8. Kontakt informacije za drugu naučno stručnu konferenciju sa međunarodnim učešćem**

**Centar za kriminalistička, kriminološka i pravna istraživanja (CKKPI)**

Školska, 72 270 Travnik, Bosna i Hercegovina

Tel/Mob: +38761527728

E.mail: [centarkkpi@gmail.com](mailto:centarkkpi@gmail.com)

ili [piricdradnan@gmail.com](mailto:piricdradnan@gmail.com).

## ORGANIZATORI KONFERENCIJE



## GENERALNI POKROVITELJ KONFERENCIJE



**II (DRUGA) NAUČNO STRUČNA  
KONFERENCIJA SA  
MEĐUNARODNIM UČEŠĆEM  
„MEDICINSKO I ZDRAVSTVENO  
PRAVO U BOSNI I HERCEGOVINI I  
EUROPSKOJ UNIJI, STANJE,  
IZAZOVI I PERSPEKTIVE“.**

**13., 14., i 15. Oktobar, 2023.**

**Hotel CENTRAL**

**Vlašić, Bosna i Hercegovina**